

四庫禁燬書叢刊編纂委員會

北京出版社

四庫禁燬書叢刊

集部第一一一冊目次

歸錢尺牘五卷

〔明〕歸有光〔清〕錢謙益撰〔清〕顧棫輯
清康熙三十九年顧氏知月樓刻本

.....一

蓼齋集四十七卷後集五卷

〔清〕李雯撰
清順治十四年石維崑刻本

.....一五九

歸錢尺牘五卷

〔明〕歸有光〔清〕錢謙益撰

〔清〕顧棫輯

清康熙三十九年顧氏知月

樓刻本

中國科學院圖書館藏

常熟顧漢璋校訂

歸錢尺牘

宛委堂藏宛

敬

常熟後學汪輝謨

天下之文章莫大於山水善遊者歷四嶽三塗九州之險浮大河下長江周流四海曠覽乎神靈之所棲止蛟龍虎豹之所窟宅俯仰上下冒大浩如也眼界廓如也及與之觀小山幽壑方塘曲沼一卷一句之多固宜其不顧而去然亦有時視一卷一句不啻若千仞之岡萬里之流者無他其神氣之所感召者異也若但曰山不在高水不在深將置身膏肓之境據丘垤以為崇指潢汙以為潔管窺蠡測其又烏知天

地之大也哉古之作者自六經而下其為海岳也多矣近代如信陽北地之學則雕琢之頑石而搏漱之逆流也震川起荒江寂寞之濱著隨刊真定之續東澗又為之區其高下別其原委設壇樹表汲汲乎紹震川決排者無所不盡其力兩先生之功不在禹下讀其全集如登岱華如泛溟渤矣至其片箋寸幅偶爾酬應之作文分派別僅若一卷一勺之多然而其脉長其源遠其行其止莫不有自然之勢孤峯秀拔龍出岱華異乎雕琢之石也碧波清淺朝宗溟渤異乎搏激之水也世有知者仁者往來流覽其遂等諸

千仞之岡萬里之流與否則擬之簣覆視若堂坳與丘垤潢汙同類而觀昧然于玉珉淄澠之辨則亦存乎其人已矣顧子漢璋之刻是集也知其樂之也深余亦將具舟楫載鞭策往問途焉乃先識嚮往之志如此康熙歲次己卯立秋日

歸震川先生尺牘目錄

卷第一

與吳純甫 十一首

與李廉甫

與沈養吾

與王子敬 四首

與沈敬甫 七首

與王子敬 二首

與沈敬甫 二首

答周孺允

答周澱山

與徐道潛 二首

與王子敬 七首

與徐子檢

與陸武康

與沈敬甫 二十五首

與徐道潛

與沈敬甫 五首

與王子敬

與沈敬甫 三首

與王子敬

與顧懋儉

與王子敬

與沈敬甫 十一首

與葉子寅

與顧懋儉

與沈敬甫 六首

與王子敬 二首

與沈敬甫 二十一首

與王子敬 十七首

與顧懋儉 三首

與沈敬甫 四首

與唐同年

與高經歷

與王沙河 二首

與徐南和

與周孺允 二首

與沈敬甫 四首

與傅體元 三首

與王子敬 二首

與馮太守

與沈上舍

與管虎泉

與某 四首

答周澱山 三首

與許子雲

與陳吉甫

與凌廉使

與邢州屬官

與陸五臺

與姚畫溪徐龍灣

卷第二

與襄府周紀善

答西亭中尉

答族子

與張虛江

答秦光甫

與鄭惇典

與姜萬二同年

與王沙河進朝

答何給事

與查給事

答李省吾

與戚中溪

答族弟大顯

與溫給事

與張兵憲

與耿邢臺

與戴偉

答王象坤

與張兵憲別啓

與楊道亨

與內丘知縣石漢

與陸士鰲

答許蕭山

答溫給事

答陸士鰲

與鄭伯興

與孫似祖

與丁應詔

與徐評事

與顧太僕

與林長興敬冕

與陳平鄉九疇

與秦光甫

與查給事鐸

與顧太僕存仁

與李同知汝節

與劉中書大武

與顧太僕存仁

與陸給事樹德

與顧懋倫

與范惟丕

與戚吏部杰

與馮太守善

與李道亨

與陳吉甫

與

與管穉圭

與陳重丞懿德

與

與太僕存仁

與曹負外璠

與李道亨

與李延節

與姚太僕一元

與朱文龍

與孫一俊

與林長興

與丁進士

與陸秀才彥圭

與顧太僕

與

與孟

與王寺丞

與李汝節

與朱景運

與孫百川樓

與溫給事純

與

與王同知用章

與顧太僕存仁

二首

與萬侍郎

與二子

與李汝節

與林中齋

與馮太守

與曾負外璠

與范司成應期

與

上宋陟臺

與歸給事

上王中丞

回湖州府問長興土俗

與徐龍灣

與顧文載

與殷徐陸三子

與李浩卿 二首

附唐道虔答友人問疾

與林平泉

與林內翰

與宣仲濟

與王仲山

與嘉定諸友

答唐虔伯

與王今

與廖永州

與李中丞

送徐鳳竹

送 薑江

送周澱山

回答太倉州學生負錢華峰

與縣尹啓

與吳江無錫諸同年

與張通府東

與葉子寅東

與徐子檢 二首

與周澱山 五首

與沈養吾 二首

與新縣尹東

與王子敬

答王參政

與縣尹

答王太守

與趙子奉

悼亡報人小帖

與傅體元

與戶部盧宛岩

與通判張德恭

與王昭明

與歸子建

歸震川先生尺牘目錄終

歸震川先生尺牘卷第一

與吳純甫 十一首

某久辱過愛每以古人相期自愧慚負知己中夜思之痛心赧面昨以亡友之故傷其民滅輟強所不能且欲執事一言以爲進止亦以執事惓惓之意令人忘其羞澁而來書過加推獎如此某何敢當某何敢當李習之輩意氣何如而韓文公抗顏爲師某何敢望萬一于習之而執事以韓自處則無不可者某平日議論豈能出執事涕唾之餘哉豈大賢君子引進後學法固當爾耶抑以某之庸鶻重以激之耶嗟乎某何敢當哉抑執事不以其不可教因而成就之則某也不敢不勉異日或不負爲門下士執事之賜多矣

又

贈言一首繕寫如右僕讀易深有感于否泰姤復之際蓋天下之壞其始必自一人始而其治也亦自一人始此僕于執事之行深爲之惓惓也自惟鄙拙不習爲古文聊發其所見不能彙括爲精妙語徒蔓衍其詞又不知忌諱俗語所謂依本直說者幾欲自毀而又不能已也僕年已長大一無所成慚負古人居

常默默不自得執事行且立朝功業當遂赫然僕若不至狂病異日得遂所圖于是從容閑暇與田夫野老歌咏先生長者之德紀述太平之盛事以振耀千百萬年視彼班生爲竇氏執筆愧之千載矣區區今日非所論也

又

彌年沉疴無一日強健而學荒落坐視歲月之去惴惴焉恐有所失墜無聊之甚大不類少年意趣以故不能時修禮節于左右可謂之簡不可謂之負也僕雖極愚然亦有耳目黑白醜惡不至甚顯倒私自念

執事僕所當終身服事者他人之望門下曾不得側足而立雖執事假之詞色終以不類自引去僕乃得置門籍今比肩爲人如是而猶有所背戾非禽獸好惡與人異者不至此也執事常時有所教訓未嘗不佩服以爲至言顧僕外之所示者常不及內十之一若不能有所承愛此乃質性已成不可矯強也且執事業已知其可教而教之又復疑其人之從之與否則執事之過也僕若好諛而惡聞善言則見絕於門下亦久矣水之爲物流動而善入然丈五之溝朝盈而夕除頑石伏于道左愈久而不易其處執事將何

所取乎早間得書意執事垂念之切覺僕疎遠教誨之至惟恐其不從故爲此言激之也無可答者遂謝來使然終不可不自明輒復喋喋病中道辭昏昧終不足以盡意乞亮之得寓園雜記甚喜計八十餘葉可留二三日錄完奉納

又

初約會時草率相叙事又創于表兄僕不宜妄自主張表兄又不卽言實不知其意何如也僕表兄雖俱在門下新故亦微有不同豈以表兄有親附之意而僕乃有自外之心且諸君意不在會也特欲因緣以

卷八 雜著

接餘論即執事不肯幸臨諸君從此解體矣僕特以輪次當遠乃實諸君之事非僕一人之私也僕雖得譴而諸君何罪焉明日與諸君拱候拱候之不至則相與候于門下必得請乃已僕無知者稚子畜之而已勿以大人意見與之較短論長也

又

前夜得侍左右語及僕家事多方顧慮言人所難言僕何人斯乃辱執事知愛如此而來書又復推獎太過以爲與僕談論比之飲醇此非僕有所感動蓋別久復聚人情當爾僕以庸才不能自恣放如古豪傑

幸而耳目未甚昏塞自少讀前人書往往若有契於中者私心以爲是猶饑之必當食寒之必當衣非曰虛名美譽足以艷慕人而已也顧末俗意見自爲一種間出一語稍或高聲共訾笑之以爲狂掩耳走去至不欲聞用是默默無所言以爲雖言亦無益頃歲補學官弟子負衣冠之士二百餘人時嘗會聚堂下笑語喧譁而僕踽踽無所與讀壁上碑刻仰面數屋椽耳雖稍與往來謂之相厚者至今亦不知僕爲何如人乃辱執事知愛期以古人以是不覺盡言于執事在他人謂之默在執事謂之辯執事所謂可人意

卷八 雜著

者乃所以爲拂人意者也執事恐南北仕宦未免乖違亦不必爲此無窮之慮常憶去年此日酌酒池上于時梅花將發天氣融融如春仲季日初沒西南雲色郁然與溪水相映兼有王生餘樂明旦辱以詩召有花枝那負隔年期之句今豈可得耶乃知離合自有數即今目前而已然矣呂成公初婚一月不出乃有左氏博議人言有無叵測然使僕效亦無不可但偶未能耳來索前書未敢如命留之以志吾過

又

某頓首三泉先生侍者夫人之所畏者必曰勿使某

人知又曰毋爲某所短如執事者從容出一言以相讓于僕已無所容今書傳之不快又衆辱之藥之苦也更有毒耶雖然僕乃有以知執事愛僕之深也顧僕亦非剛愎文過者前書所云中頗寬抑耶自明耳其於自責實不敢少恕居常悵悵愧見鏡中影與人言亦無味自念十一二時已慨然有志古人比于今猶碌碌不自克凡人不能爲君子則爲小人古豪傑之士日夜點檢然病根卒不能去顧予何人者見人呼爲小人則怒自揣得爲君子否也孟子曰人能充無穿窬之心又曰充無受爾汝之實若此者所謂義也

卷之八

五

然充無穿窬之心必施于有穿窬之心之地充無受爾汝之實必施于受爾汝之時乃今得其幾矣執事謂僕得某人之半執事雖以謂僕即其人可也雖以謂僕盜黷尤可也朝歌勝母古人所惡但曾參居之將益添色養墨翟入而聞樂更悲耳故曰益用凶事固有之也昔人謂種樹者爪膚搖本已去復顧適有以害之僕謂樹無知不能自長使其能自長即謂樹方承主人佳意當一日拱把也豈可謂害之今而後僕知所勉矣別後多事延緩至今乃始得作書以謝知長者不當復念人過也

又

沈母文章畧殊不足觀僕所以不辭者非謂其能于此蓋肄業習之也顧汨汨俗學胸中無此意味而強爲之斯汗顏耳幸賜裁削或甚悖繆勿出可也

又

綠蕉可分乞命守園者爲銀鹿助強幸幸以家僮他出故也建蘭遺種公固以棄之并以賜僕何如僕舊時讀書東臯後家居爲作志以爲恨不得負其地以歸今舍前所植並公家物則可謂負其地以歸矣幸恕不廉

又

卷之八

六

昨侍坐燈下偶懷遠人不覺爲情所使中夜思之赧然汗出此亦侍于君子之愆也已知罪矣晨欲往東臯然心火騰沸鼻中頗有氣息遂懶束髮也

又

子賓老母免役事權在糧里官府未便見察若欲作書事類無因恐有按劍者鄉間人見秀才甚大即便使之說事可笑

又

辱公誤知豈敢自處以薄但由本性不欲作世俗寒

溫禮數密知公起居足以慰矣童子不能悉吾意以故語及所云朝歌勝母古人所惡不宜呼郎為狼則僕常時呼阿狗為狗亦將自謂狗主耶

與李廉甫

去冬瘡病未平屢勉就道已迫歲除至金陵渡浦子口跨蹇驢踏雪行三千里辛苦之狀所不可言道經郭知使節三兩日前已過悵望久之使人遠來得初五日手教歷歷道前事讀之黯然非故人情厚何以能記念如此常下第即出國門前次見文隱公言科場中事有傷心者今次徹簾晉江王儀曹郎即日尋

與友人書

拙卷讀之與南宮諸曹郎倘觀歎訝者累日諸進士謁歐陽尚書歐陽公首舉賤名深加歎惜主考徐公亦時對其鄉人言之古之人不過者有矣無在位者知之故也在位者一二人知之矣未必能皆知也今皆知之矣而又不遇豈非命哉此亦非僕所宜言管仲三仕三見逐於君鮑叔不以我為無能知我不遇時也荷知已惓惓之意因及之

與沈養吾

今歲自水路直達比常年甚逸已自前月二十六日入都矣尊公使人回附與家書一封乞致之關陝地

震之異古所未聞平陽蒲坂之間更甚震撼如雷擁沙及陷沒者亘數千里樹木倒植井水及黃河皆翻太華已低小而潼關亦無有矣人民之死者殆不知其數如韓邦奇馬理諸公皆沒兵部楊尚書家盡亡分守白參議惟存一幼兒又地裂處往往有黑水溢出水中皆有魚此皆邸報之所不詳也

與王子敬四首

兒子擴志附去二通其一與子欽去年今讀騷即此時也兼以時序相感痛不忍言此亦至情嘗為人所嘲笑豈皆無人心者哉乞勿以示人

又

孺允數來索侑觴之辭第歌哭不同日時有通問者作一二語答之輒顛倒不能成字也顧足下懸懸之意棄僕未東必得面談就君所欲言此次書之可也

又

不知諸公何日行如此風景更難宿留也區區得失久已置之度外但此回不見往時人唐人有云海內無家何處歸此極痛恨耳

又

庚戌秋山妻欲學毛詩從問大義為書文王之什尋

因兒女病遂廢卷昨還簡篋中得之極悲義多與前人異者奉去乞一看稍暇當續此業也

與沈敬甫 七首

二詩乃哭耳不成詩也昨見諸友多欲爲僕解悶者父子之情已矣惟此雙淚爲吾兒也又欲自禁耶

又

安亭情景更悲念兒在枉死城中也山妻哭死方甦舊疾又作矣所索文字付之尚書序亦乞錄付庶病者少寬當以此等自解然恐不能解也痛痛頭疑嘗有二三莖白者炤鏡視十二月忽似添十年也人非

東人贈卷二

九

木石奈何奈何寄去亭記欲圖刻石不知如何可就五弟觀之世之君子若以曾子之責子夏者則吾有罪焉耳葉生狂士坐中之言幸勿介介

又

痛苦之極死者數矣吾妻之賢雖史傳所無非溺感也寄去僧疏僕書二句蓋天問楚些之意偶于此發之前後有六首又有偈一首別有答人小東連書一道敬甫就五弟處觀知我悲也

又

前時養吾言欽甫文自能中不意出門便有此厄須

爲東裝計往陽羨也自去年涕淚多不能多看書又念新人非故人殊忽忽耳

又

澱山湖可依初葉壙志子建云亦似但千古哭聲未嘗不同何論前世有屈原賈生耶以發吾之憤憤而已欽甫云更似高人一籌也

又

滄浪生攜阿郎影來一慟幾絕此生精神覲欲運量海宇不意爲此子銷鑠將盡如何西狩獲麟反袂拭面稱吾道窮子解之乎世人真以吾爲狂耳

又

世美堂記可爲知者道人固有對面不相知者亡妻幸遇我耳作罷與兒子嗚咽也

與王子敬 二首

所索文稿向托人寫因變不及去取數日間取還也秋高氣清明月皎然永夜不寐惟有哭泣而已向作疏偈數首獨曾寄孺允今寄去一卷昔在萬峯山中讀大藏經信其理如此非狂惑也

又

前承過遂遭虎狼之驚感念至情極不忘也像贊一

首奉寄日閱禮書欲依先王之制以送死者而常不及子建之徒輒唱浮議動引王夷甫亂天下之言殊爲可惡

與沈敬甫二首

不見忽踰月節候頓易日增感傷涼風吹人悉成涕淚今女未有紙錢之及此心歉歉鳬短鶴長其悲均也如何如何

又

日苦一日思深如海盡變爲苦水如何如何承寄真不敢辭敬甫雖有哀痛未容相比也疏二首寄去今

日低首世尊前矣別有報人小帖數幅可與五弟索觀也

答周孺允

昨奔喪過城下即還不及造謝生平迂闊常以古人自期亡者雖一婦人相知極深二十年同共艱難辛勤至矣白雲明常有世外之趣若芒慈母桓少君之比乃又其粗者也遙遙世路便不見斯人自以爲有鍾子期之悲又非特伉儷之情耳連日讀禮知先王於此不薄歟者自不曉耳向寄疏偈何足稱於儒者之側特欲足下知我無聊之極如此

答周澱山

適承教誨懇懇愈增悲感老父在堂未敢以死然所謂生民之至艱荼毒之極哀者雖強自抑制淚如河海水不能止也亡者與尊嫂恭人同自南戴服屬非遠不幸以絕異之姿嫁薄命郎天下至寶措置非所珠摧璧毀汶汶以沒真千古之痛也禮齊衰對而不言獨荷眷念無已之情聊此奉謝并錄報謝小簡數幅欲吾兄知吾至情如此類非世人語世人見之未有不大恠以爲狂惑也

與徐道潛二首

韓集爲葉七沉滯旦夕當促來前編在館中學徒俱病久不往候往乃得奉耳此書考校甚精釋義比蔡傳亦遠出其上讀書者要不可不觀也

又

易圖論有合商確者幸示及原稿并發來向論河圖洛書以示吳純甫純甫謂當示後世之子雲此篇大義與之相表裏第與晦翁實相牴牾啓蒙所謂本圖書作易之大原一切抹倒爲此曉曉得罪于世可嘆也抑程子與康節嘗論此至其解易絕不用之亦必有見矣